

易  
經  
徵  
實  
解

易經徵實解

卽墨胡翔瀛陽氏著

裔孫鵬昌恭校

乾元亨利貞

執競武王無競維烈有乾剛之德者也亞戎衣而有天下亨也奉天命行天罰貞也

初九潛龍勿用

伊成當三聘未來躬耕莘野武王當八百未會恪守侯封

九二見龍在田利見大人

見龍如四岳薦舜於朝廷在田如百官事舜於畎畝大人如欽明文思之主利見如賓門納籠之事

九三君子終日乾乾夕惕若厲无咎

大禹盡克艱之責而思日孜孜皇陶存兢業之心而思日贍贍

九四或躍在淵无咎

虞帝攝位之際武王觀政之時

九五飛龍在天利見大人

舜有天下選於衆舉堯陶湯有天下選於衆舉伊尹

上九 亢能有悔

霍光不歸政而前驂乘之禍鄧后不歸政而罹赤族之慘伊尹復政厥辟東平王解印歸藩

用九見翠龍无首吉

坤元亨利牝馬之貞君子有攸往先迷後得主利西南得朋東北喪朋安貞吉

初六履霜堅冰至

漢成帝以王莽爲新都侯和帝以鄭衆爲大長秋履霜也至孝平而王莽篡至桓靈而宦官橫至堅冰也

六二直方大不習无不利

文王徵柔懿恭是柔順中正也其德則無然畔援無然歆羨內直也刑於寡妻至於兄弟外方也戒疾不殄烈假不瑕盛大也不聞亦式不諫亦入不習无不利也

六三含章可貞或從王事无成有終

顧雍爲人寡言含章也舉動時當孫權稱其言必有中以時發也凡政職所宜輒密以聞用則歸之上无成有終也

六四括囊无咎无譽

事當謹密如漢桓帝時宦官強橫茅容問國事徐稊不答是也時當隱晦徐稊與郭泰不仕是也

六五黃裳元吉

商高宗之慮善以勤勤惟厥時中也遙志時敏從諫則聖順也享國五十九年嘉靖殷邦元吉也

上六龍戰於野其血元黃

王莽殺何武鮑宣等數百人而卒爲光武所誅王甫殺李膺范滂等百餘人而卒爲楊雄所殺故曰兩敗俱傷○來浚臣之於李昭德

用六利永貞

屯元亨利貞勿用有攸往利建侯

漢高王漢中地小兵寡而霸王之勢方張是在險中也不能鬱鬱久居是能動也養民以致賢  
貞也聽蕭何之諫不伐項羽勿用有攸往也拜淮陰侯建侯也

九五植利居貞利建侯

光武當李通未迎而性勤稚稚磐桓而居貞也其心則志在濟屯而才德又足以輔之衆望所  
歸也是以爲侯不亦宜乎

六二屯如遯如乘馬班如匪寇婚媾女子貞不字十年乃字

蘇武使單於大審不得歸屯如遯如也乘馬班如也單於欲使之降匪寇婚媾也蘇武仗節自  
守十九年得歸是女子貞不字十年乃字也

六三卽鹿无虞惟入於林中君子幾不如舍往吝

殷浩北伐而無功房琯禦賊而敗績皆卽鹿無虞入於林中也不舍而往豈非吝乎

六四乘馬班如求婚媾往吉无不利

肅宗徵李泌而平安史之亂代宗起汾陽而却吐蕃之兵

九五屯其膏小貞吉大貞凶

蕭望之雖以正人居師傅將軍之位而當元帝之時不能有爲雖有劉向爲正應而單弱不足以濟石顯得衆宏恭鄭明等歸之雖稍有補而欲去石顯反遭其害小貞吉大貞凶也

上六乘馬班如泣血漣如

漢之獻帝魏之高貴鄉公晉之安帝皆是也

蒙亨匪我求童蒙童蒙求我初筮告再三渭渭則不告利貞

初六發蒙利用刑人用說桎梏以往吝

書曰庶頑讒說若不在時候以明之撻以記之書用誠哉欲並生哉工以納言時而屬之格則承之庸之否則威之

九二包蒙吉納婦吉子克家

舜之慎微五典五典克從包蒙吉也釐降二女於汭納婦吉也克諾以孝烝烝又不格姦子克家也

六三勿用取女見金夫不有躬无攸利

宰嚭受金而二心於越郭閭受金而二心於秦

六四因貞吝

互鄉童子是也

六五童蒙吉

成王任周公而文武之澤長昭帝聽霍光而文景之業復

上九擊蒙不利爲寇利禦寇

商鞅任刑項籍嗜殺爲寇也黃霸之治潁川孔明之相蜀漢禦寇也

需有孚光亨貞吉利涉大川

曹闢知彼竭我盈而不輕戰知大國難測而不輕追需而有孚也周勃待呂祿解印而討諸呂東之待元琰興兵而討武氏其事則貞也利涉大川不亦宜乎

初九需於郊利用恒无咎

申屠當宦官之既橫名士之將傾而隱居屏迹是需於郊也始旣免黨人之禍後復避董卓之微而卒以壽終是利用恒无咎也

九二需於沙小有言終吉

孔明伐魏司馬懿堅壁不出需於沙也諸葛有巾幘之辱賈詡有畏蜀之譏是小有言也知出戰之不利而含恥忍辱卒得全師以歸是終吉也

九三需於泥致寇至

陳寶謀誅宦官而罹曹節王甫之害

六四需於血出自穴

勾踐事夫差故得反國沛公謝項羽卒免於難

九五需於酒食貞吉

謝安以奕棋而敗苻堅投鞭斷流之衆寇準以飲博而破契丹大舉入寇之師

上六入於穴有不速之客三人來敬之終吉

趙被秦圍入於穴也魯仲連爲不速之客平原君有敬之之心故終得解圍而吉也

訟有孚惠心勿

讀初二三四爻而知惕中之吉讀五爻而知見大人之利讀上九而知終凶與涉川之不利聖

人觀象繫詞示人處訟之道讀彖辭思過半矣

初六不永所事小有吉終吉

鍾泰章吳壽州團練使也或告其假市官馬馴爲饒州刺史陳彥謙詰之三面皆不對是不永所事也或問何不自辯泰章曰壽州步騎五千豈主穩單騎能代之乎小有言而辨明也

九二不克訟歸而逋其邑人三百戶无告

王叔陳生與伯與爭政不勝而奔晉

六三食舊德貞厲終吉或從王事无成

九四不克訟復即命渝安貞吉

虞芮爭田退而相讓許伯爭田退而自責

九五訟元吉

張釋之爲廷尉天下無冤民于定國爲廷尉而民自以不冤

上九或錫之鑿帶終朝三褫之

江充告趙太子而武帝拜爲繡衣使者是以訟受服也未幾而衛太子殺其身又未幾而武帝滅其族終朝三褫之驗也○蔡確起獄奪位未五年而高后免其官

師貞丈人吉无咎

宣王之伐荆蠻平江漢貞也將方叔命召虎丈人也貞故无咎丈人故吉此荆蠻所以來威四方所以既平也

初六師出以律否臧凶

費誓申越逐之刑常武嚴師旅之戒所謂以律也先數違命而莊子知其殆莫敖亂次而鄧曼知其敗否臧之凶可無戒乎

九二在師中吉无咎主三錫命

曹彬克蜀而爲宣徽使平唐而賜錢五十萬未幾又拜樞密使是也

六三師或與戶凶

子玉剛而無禮左師右師潰于城濮趙括易言兵事而四十萬衆阤于長平

六四師左次无咎

李存勣悟德威之言而次于高邑畢再遇知衆寡之勢而留旗拔營

六五田有禽利執言无咎長子帥師弟子與戶貞凶

代宗時吐蕃寇涇邠仁宗時元昊寇渭川有禽而利執也史抗違潭城之命而敗績任福違韓琦之命而戰死是與戶而貞凶也

上六大君有命開國承家小人勿用

宋太宗不以王繼恩爲宣徽使

比吉原筮元永貞无咎不寧方來後夫凶

視民如傷元也純亦不已永也于遊于觀母或淫庶獄庶慎罔敢知貞也六州慕義二老來歸不寧方來也密不恭而整旅崇負固固而詢仇後夫凶也

初六有孚比之无咎有孚盈缶終來有他吉

敬德降世民比之初也諸將疑其叛而世民不疑有孚也更賜之金而推心置腹盈缶也未幾而世民被圍雄信揮消敬德救駕解圍非終來有他吉乎

六二比之自內貞吉

新進之臣若馬周之於唐太宗王昭素之於宋太祖也

六三比之匪人

班固附賈憲見謾有道蔡邕事董卓貽羞儒林

六四外比之貞吉

近君之臣若丙魏之佐漢宣韓范之輔宋仁是也

九五顯比王用三驅失前禽邑人不誠吉

武王應天順人顯比無私叩馬之夷齊則聽之演疇之父師則封之是用三驅而失前禽也太公以夷齊爲義人而扶而去之是邑人不誠也

上六比之无首凶

夏桀商辛秦胡亥隋楊廣是也

小畜亨密雲不雨自我西郊

羊祜杜預諸伐吳而賈荀馮統力阻其謀陽爲陰畜也然羊杜經濟素優而武帝又加信任苟馮氣儀式微而武帝不爲屈撓故羊之志遂而杜之功立也

初九復自道何其咎吉

狄梁公志本爲唐而爲武氏所畜然素性忠貞雖爲武后之臣而能自守以正故不爲所畜卒

復中宗之位本志既遂復自道也咎何有哉

九二章復吉

張柬之等爲狄公所薦卒不武氏之亂誅二張而立中宗牽復之吉也

九三輿說輜夫妻反目

高宗武氏本非正應但以陰陽相悅之故立以爲后武既得志專用威福高宗欲有所爲動爲武后所疑輿脫輜也高宗忿欲廢之反目也

六四有孚惠心勿

吳玠歃血盟將故以散卒敗金兵十萬之衆李晟忠義激士故以孤軍敗朱泚十萬之師

九五有孚惠心勿

周公之討武庚管蔡汾陽之討僕固懷恩

上九既雨既處尚德載婦貞厲月幾望君子征凶

秦檜懷奸藏主積漸至於和議既成諸將班師雨矣處矣良由高宗信任積滿而致然也觀施

全之刺秦而知陰加陽之有感觀魏公之斥貶而知君子之征凶韓蘄王所以杜門謝客也

履虎尾不咥人亨

漢高免鴻門之危曹操脫華容之難悅應乎乾也

初九柔履往无咎

柳下惠必以其道陸宣公不負所學

九二履道坦坦幽人貞吉

先生號五柳處士在金華

六三眇能視跛能履履虎尾咥人凶武人爲于大君

履虎咥人如王昭遠自方諸葛而爲全城所擒武人大君如項籍接踵暴秦而爲漢高所滅

九四履虎尾愬愬終吉

武帝剛猛而金日磾以篤慎獲全宣帝苛察而張安世以謹慎保終

九五夬履貞厲

上九禦履考祥其旋无吉

叔弓辭館而致近德之譽季武辭籩而致好貨之來

泰小往大來吉亨

小往如四凶既去三蘖莫遂大來如九德咸事三俊同朝

初九拔茅茹以其彊征吉

虞舜徵庸元愷俱奮歐陽司諫韓范同登

九二包荒用馮河不遐遺朋亡得尚于中行

侯明撻記而欲其並生是包荒也隨山刊木而底於平成是馮河也漸被蠻訖而思日孜孜是不遐遺也辛壬癸甲而弗子呱呱是朋亡也

九三无平不陂无往不復艱貞无咎勿恤其孚于食有福

文命敷於四海猶深儆戒之思作又及於萬邦猶嚴敕命之志所謂艱也九功維叙益申九歌之勤六服承德益嚴六官之箴所謂貞也

六四翩翩不富以其鄰不戒以孚

開元之治將衰而林甫之徒不引而進元祐之政將改而蔡京之輩不呼而應

六五帝乙歸妹以祉元吉

虞帝任禹臯而申命用休康王任畢公而永膺多福

上六城復于隍勿用師自邑告命貞吝

鳳陽陷而懷宗下罪已之詔

否之匪人不利君子貞大往小來

終古奔龍達殺而是信是任者趙梁之黨微子去比干死而是崇是長者廉來之徒

初六拔茅茹以其彙貞吉亨

史彌遠旣誅韓侂胄欲反侂胄所爲收召賢才老成布於朝廷當是時如水未波如鑑未塵苟能充是心而任魏眞之賢斥梁李之黨豈非貞吉而亨者乎

六二包承小人吉大人否亨

石頭之結貢禹李訓之引裴度皆順時望以收人心小人之吉道也在君子則宜自守豈可亂小人之羣乎故吐突承璀引李鄘而鄜因辭相位柳燦徵司空圖而圖墜笏失儀

六三包羞

貞意欲害袁安而不能張易之欲傷宋璣而不得

九四有命无咎嗚離祉

齊王發兵討諸呂灌嬰將兵屯滎陽此將濟之機也繩侯復不恃壯憚舉而劫酈商以給呂祿故能收其兵權以遏亂略人事復无咎矣卒也不勤灌嬰皆蒙爵賞不亦宜乎

九五休否大人吉其亡繫于苞桑

漢光武不忘河北之難而建武之治成唐太宗歷三喜一懼之心而貞觀之勢固

上九傾否先否後喜

南巢放而兆民允殖牧野誓而永清大定

同人于野亨利涉大川利君子貞

舜舉族十六而奏績平成武有臣三千而會朝清明

初九同人于門无咎

祁大夫舉祁午又舉解狐狄梁公舉光嗣復薦張東之

六二同人于宗吝

司馬光喜蔡京之奉法而不聽蘇軾呂大防引楊畏之以自助而不聽范純仁

九三伏戎于莽升其高陵三歲不興

九四乘其墉弗克攻吉

邾定公劉且文公太子捷菑其庶弟也趙盾以捷菑晉甥也欲納之而邾人辭以饗且長是欲同於菑而爲饗所隔也卒以義不克而引師去之所謂困而反則者與

九五同人先號咷而後笑大師克相遇

光武克蜀而用費貽肅宗復東京而用甄濟蘇源明

上九同人于郊无悔

空谷之賢士考槃之碩人

大有元亨

湯之布昭聖武剛也居上克明明也咸有一德克享天心茲率厥典奉若天命應乎天而時行也元亨不亦宜乎

初九无交害匪咎無咎則无咎

穆王命君牙伯問歷春冰虎尾之心武帝策賢良方正黜申韓蘇張之說无交害也然而有初

鮮終或巡遊財匱而作贖刑或土木勤兵而置平準艱則无咎爲戒深矣

九二大車以載有攸往无咎

伊尹任知覺之先周公成文武之德

九三公用亨于天子小人弗克

吉甫之歌燕喜召公之釐秬鬯

九四匪其彭无咎

伊尹不居成功周公赤舄几几郭汾陽功蓋天下而主不疑位極人臣而衆不忌

六五厥孚交如威如吉

成王之於周公康王之於畢公可謂厥孚交如矣雖然誅爾戎兵以揚文武之光烈張皇六師

無壞高祖之算命何其威乎

上九自天祐之吉无不利

唐太宗聽點兵之諫服信也從偃武之說思順也寵任魏徵尚賢也致治幾至成敗享國二十

餘年自天祐之吉无不利也

謙亨君子有終

舜稱禹曰汝惟不矜天下莫與爭能汝惟不伐天下莫與爭功

初六謙謙君子用涉大川吉

苻堅投鞭斷流而百萬之師折於淝水曹操橫稍賦詩而百萬之衆敗於赤壁故諸葛輔漢之才無過謙慎文王造周之烈悉本小心○趙奢下許歷而破秦卒曹景宗下韋叡而敗魏師

六二鳴謙貞吉

尹翁歸不以行能矯人故尤得名譽

九三勞謙君子有終吉

丙吉不伐阿保宣帝之功而卒封列侯文彥博不伐輔立英宗之功而卒加節度使王宗裕爲枯松太保馮異爲大樹將軍

六四无不利撝謙

賈融居功臣之上而厚自貶損成器爲明皇之兄而固以位讓

六五不富以其鄰利用侵伐无不利

文王徵柔懿恭在上能謙者也六州慕義二老來歸不富以其鄰也遏密伐崇四方無拂利用侵伐也經始靈臺不日成之他事亦无不利也

上六鳴謙利用行師征邑國

諸葛用馬戲攻心之計而斬雍閔服孟獲以平南中是也方正學曰世皆謂孔明才智可以服人而不知不自肆其才智而取諸人此孔明之所以能服人也

豫利建侯行師

朝覲訟獄之皆歸而後正有虞之統友邦蒙君之俱會而後興牧野之師

初六鳴豫凶

三思結草后鄧綰附安石皆強援也三思之鳴豫曰於我善者爲善人於我惡者爲惡人鄧綰之鳴豫曰笑罵由他笑罵好官還我爲之卒也一見誅於太子重俊一見放於太后高氏不亦凶乎

六二介于石不終日貞吉

張良之謝病辟穀宋璟之致仕東歸鄧康之免官就國武攸緒之歸隱嵩山

六三吁豫悔運有悔

殷仲堪媚桓玄而卒以亡身盧攢附令孜而終於自殺此韋忠所以慮波及而張象所以戒冰山也

九四由豫大有得勿疑朋盍簪

光武至誠接物而雲臺功臣二十有八太宗推心置腹而凌煙功臣二十有四  
六五貞疾恒不死

魯定公受制強臣而墮都出甲稍稍自振唐文宗受制宦者而仁慈恭儉僅僅自存  
上六冥豫成有渝无咎

漢武帝輪臺悔過

隨元亨利貞无咎

憲宗從裴度而擒元濟於淮西服承宗於鎮冀武宗從李德裕而取太原如反掌克上黨如拾芥

初九官有渝貞吉出門交有功

易經徵實解

十一

郭林宗周遊郡國訓獎士類是其貞也適陳留則友符偉明遊太學則師仇季智至陳國則親魏德公入汝南則交叔度所謂出門也

六二係小子失丈夫

袁帝寵董賢而殺王嘉後主任黃皓而疏姜維

六三係丈夫失小子隨有求得利居貞

范忠宣與溫公同朝係丈夫也不黨安石失小子也因溫公之薦以致宰相隨有求得也與溫公論差役不合曰若媚公以爲容悅何如少年合安石以速富貴哉居貞也

九四隨有獲貞凶有孚在道以明何咎

胡致堂曰霍光於歸政不受之時能誠懇力辭歸守博陸子弟黨親悉令補外府師伊尹寵利之戒法老子止足之言宣帝將十世是宥安石沈澗急溢自取顛覆之禍哉

九五孚于嘉吉

宣帝之於魏相光武之於馮異唐太宗之於魏徵宋太祖之於賈彬

上六拘係之乃從雜之王用亨於西山

舜允塞而柴望禹至誠而旅平

蠱元亨利涉大川先甲三日後甲三日

先甲如武之反商由舊後甲如成之制治保邦

初六幹父之蠱有子考无咎厲終吉

順宗病瘡宦官李忠言翰林學士王叔文表裏爲奸然在位八月傳位太子憲宗是蠱未深而事易濟也憲宗卽位盡貶叔文之黨宵衣旰食赫然中興是有子考无咎厲終吉也

九二幹母之蠱不可貞

宋仁宗卽位劉太后稱制雖云號令嚴明恩威加天下然而罷王曾相飲若夏竦趙彥陳寔佐等並居權要十年之間弊端多矣及仁宗親政雖罷夏竦等官而戒中外不得追詆太后時事矣

九三幹父之蠱小有悔无大咎

溫公改熙豐新政若免役罷而行差役未嘗無小悔也然而熙豐之法種種害民元祐之政大體得正又豈有大咎乎

六四裕父之蠱往見吝

獻帝不能振桓靈之衰而東漢以墮安帝不能革孝武之弊而東晉以亡  
六五幹父之蠱用譽

共相輔宣上而厲王之虐政以除霍光佐昭帝而武帝之弊政以革  
上九不事王侯高尚其事

嚴子陵不仕漢光武陳希夷不仕宋太祖

臨元亨利貞至于八月有凶

高后用司馬呂范諸人而太平有孚元亨也罷市易保馬諸法而民困消甦利貞也八年之後  
高后崩而諸賢斥逐殆盡至八月有凶也

初九咸臨貞吉

王曾之去丁謂呂端之鎖主繼恩

九二咸臨吉无不利

韓琦之去任守忠劉摯之去呂惠卿

六三甘臨无攸利既憂之无咎

石顯薦馮遂而馮遂力誣其奸張易之揖宋環而宋環不爲之禮

六四至臨无咎

子游之於澇臺季膾之於郭泰

六五知臨大君之宜吉

虞帝舍己從人而使大禹宅百揆高宗恐德弗類而命傅說總百官

上六敦臨吉无咎

呂居仁謂宋太祖曰劉中丞之任十二年趙中令之相十一年郭進之守西山二十年李漢超之守閩南十七年皆久任而成功也

觀盥而不薦有孚惠心

高宗不言而恭默思道璫璞不言而經濟素懷○冉璫冉璞兄弟也宋理宗時爲余玠畫策城

釣魚城

初六童觀小人无咎君子吝

六二闢觀利女貞

六三覲我生進退

謝東山宜進殷深源宜退李鄆侯宜進房大律宜退

六四觀國之光利用賓于王

利朝觀若賚融朝光武而拜冀州牧東平王朝明帝而賜印十九也利仕進若王良應光武聘而爲諫議大夫劉平應鑑離意蘆而拜議郎也

九五觀我生君子无咎

陽剛如湯之聖敬武之執競中正如湯之執中武之建極

上九觀其生君子无咎

子與之於齊四皓之於漢

噬嗑亨利用獄

文帝之於薄昭威也昭帝之於霍光明也張釋之犯諱罰金盜環棄市中也

初九履校滅趾无咎

六二噬膚滅鼻无咎

成瑨之誅張汎劉瓊之誅趙津董宣之殺公主蒼頭

六三噬臘肉遇毒小吝无咎

張敞之殺絮舜

九四噬乾肺得金矢利艱貞吉

趙廣漢威制豪強發奸摘伏如神是噬乾肺得金矢也然以私怨殺榮畜不可謂貞好用新進少年見事風生無所回避不可謂艱卒也以此賈禍易戒深矣

六五噬乾肉得黃金貞厲无咎

唐太宗因至五覆罪至三訊而以權萬紀之言殺蕭吉宋太祖注意刑辟哀矜無辜而以石漢卿之讒殺張瓊夫无罪而殺非貞也乘怒而刑非屬也可不戒乎

上九何校滅月凶

梁冀不聽崔駰之篤而惡乃積而不可掩便胄不從郎密之言而罪乃大而不可解

賁亨小利有攸往

柳興進柔克之言而建武之政美魏徵進仁義之說而貞觀之治成柔文剛也祖逖事晉元空矢擊楫之志韓世忠遇宋高僅奮大儀之捷剛文柔也

初九賁其吐舍車而徒

王莽以安車迎薛方而薛方不至號主以安車微管寧而管寧不至

六二貞其須

黃霸受經於夏后勝茅容從學於郭林宗○顏子附骥尾而行益顯林宗登龍門而名愈揚

九三貞如濡如永貞吉

李勣功臣也而勸太宗伐高麗姚崇賢臣也而勸明皇幸東都使二君無顧武遊豫之心而永貞焉亦豈有是乎

六四貞如皤如白馬翰如匪寇婚媾

夏侯端安撫淮左乃與唐主相貞者而爲王世充所隔不得遽歸而其求唐主之心如飛翰之疾也然世充亦非爲寇也送除書以端爲淮南郡公乃求婚媾耳

六五貞吉无圉東帛箋箋吝終吉

晏平仲節儉力行顯名諸侯是崇本尙實貢於邱園也豚肩不掩豆狐裘三十年而世以爲陋  
是東帛羹羹而吝也有富家之吉無不節之嗟故曰終吉

上九白貞无咎

漢武帝土木神仙紛紛制作侈靡已極末年乃深陳既往之悔罷方士止擅賦力本農修馬復  
所謂貴極反本復於無色善補過矣咎何有乎

剝不利有攸往

何武鮑宣之既殺而達萌浮海汪達黃輔之既罷而朱子遜志

初六剝牀以足蔑貞凶

秦檜罷武穆兵權三思奪五王政柄

六二剝牀以辨蔑貞凶

秦檜罷武穆奉朝請三思貶五王爲遼州

六三剝之无咎

昌宗賂張說而張說不證魏元忠秦檜諷何鑄而何鑄不按岳少保

六四剝牀以膚凶

秦檜下武穆獄矯詔害之三思陷五王罪矯制害之

六五貞魚以宮人寵无不利

田令孜若率其黨以受制於僖宗豈復爲王建所殺楊復恭若率其黨以受制於昭宗豈復爲韓建所誅

上九碩果不食君子得輿小人剝廬

溫公新元祐之政而四方畫像君子之得輿也國忠致舒翰之敗而命盡馬嵬小人之剝廬也  
復草出入无疼朋來无咎反復其道七日來復利有攸往

霍光知時務之要而雋韓張杜同登以輔善政歐陽進朋黨之論而富杜韓范共進而覆太平  
初九不遠復无祇悔元吉

明帝聽鍾離意而罷北宮之役事太宗聽王珪言而出廬江之美人憲宗立聖德碑樓旋從李  
絳而毀之武宗選娼女入宮速因杜悰而止之皆不遠之復也

六二休復吉

子賤尊師取友以成德

六三頻復厲无咎

唐太宗之納諫宗仁宗之用人

六四中行獨復

任光邪影之應光武孔明士元之從昭烈

六五敷復无悔

顏子克己復禮以爲仁

上六迷復凶有災眚用行師終有大敗以其國君凶至于十年不克征

晉惠公昔施貪愛故韓原敗而八年不克興師宋度宗縱欲崇奸故新城敗而六年不能禦寇  
无妄元亨利貞其匪正有眚不利有攸往

觀初二與五而知无妄之元亨觀三四與上九而知无妄之利貞與匪其正之有眚

初九无妄往吉

得君如東山之迎得民如破斧之歌獲親如底豫之化信友如岳牧之薦

六二不耕穫不菑余則利有攸往

倪寬無急政之令而牛車負擔之不絕內吉無邀賞之心而陰德享祿之必驗

六三无妄之災或繫之牛行人之得邑人之災

公冶無罪乃在縲絏黃謂蒙冤竟罹辟刑○石閔戮羈部並及高弟多賢之人袁紹誅宦官或連光面寡鬚之輩

九四可貞无咎

與革初同

九五无妄之疾勿藥有喜

孔子爲政而辯斐謗未幾而誅哀衣子產爲政而執殺歌未幾而興誰嗣是无妄之疾勿藥有喜也

上九无妄行有眚无攸利

宋襄仁不重傷而門官爲楚所殲陳餘義不用詐而趙職爲漢所拔

大畜利貞不家食吉利涉大川

剛上而非正則梁襄之不似人君不見所畏也尚賢而非正則楚霸王之有功當封禪敵弗予也  
止健而非正則景帝之削奪德宗之姑息俱非故曰利貞○不家食如三聘之榮利涉如南巢  
之端

初九有厲利已

陳東上書乞罷黃潛善而爲高宗所殺呂祖泰上書請誅韓侂胄而爲寧宗所流有厲利己  
不信乎

九二與說較

宦官之勢橫而魏桓不就徵僞學之禍烈而朱子亦焚稿

九三良馬逐利艱貞日閼與術利有攸往

六四童牛之牿元吉

光武之燒謗文郭威之匿詔書○誅王郎○平李守貞

六五穢豕之牙吉

漢高之封雍齒王旦之調張晏○沙中偶語○兵欲爲變

上九何天之衢亨

傳說舉版築膠鬲舉魚翻

頤貞吉觀頤自求口實

養性之道如朱子之大居敬貴窮理而同甫之功利象山之虛寂皆非所以養性養身之術如孔子之不厭不食而何曾之日食萬錢梁武之炮作犧牲皆非所以養身

初九舍爾雞龜觀我朵頤

周彥倫應聘爲鹽海令種放應召爲左司諫

六二顚頚拂經于丘頤征凶

顚頚如韓信之寄食於漂母于耶頤若韓信之仗劍從項梁

六三拂頤貞凶十年勿用无攸利

惠帝恣意聲色而不能杜呂氏之禍成帝淩情宴安而不能奪王氏之權

六四頤吉虎視眈眈其欲遂逐无咎

齊桓之用管仲荷堅之用王猛頤而吉也高國不能奪管仲之權笑世不能如王猛之寵信專

也用管仲者四十年而不衰用王猛者十九年而弗替任之久也

六五拂經居貞吉不可涉大川

苻堅聽李威而用王猛則秦國富強居貞吉也違王猛而伐江左則秦兵摧折不可涉大川也上九由頤厲吉利涉大川

厲吉如承無疆之恤而旁作逆衝涉川如申寶龜之命而求厥有濟

大過棟機利有攸往亨

房琯以迂闊之才引浮華之黨故牛車擊賊官軍大敗本末弱而棟機也令公審衆寡之勢無恃壯之心故單騎見虜回紇諸盟剛中巽悅而利有攸往也

初六藉用白茅无咎

葛恃陋而無備則楚克其三都秦襲遠而無謀則晉俘其三帥若隨侯懼而修政楚不敢伐孟明念德不息晉莫與爭所謂藉用白茅而无咎者與

九二枯楊生稊老夫得其女妻无不利

漢高尙武功而陸賈陳詩善之美光武尙嚴威而鄭興進柔克之言

九三棟棟凶

庾亮達羣議而危及君國安石任獨斷而毒流生民

九四棟隆吉有它吝

霍光輔昭立宣有安漢之功是棟隆吉也知顯弑許后而不舉是有他則吝也

九五枯楊生華老婦得其士夫无咎无譽

上六過涉滅頂凶无咎

綿竹之死諸葛瞻爲孝子蕩陰之死稽侍中爲忠臣

習坎有孚維心亨行有尚

凡人處險能安義推誠無行險僥倖之心則胸襟光明磊落而事亦可濟如叔向見囚而必俟

祁奚不拜樂王解縲得解免是也

初六習坎入于坎齎凶

西晉之愍東晉之恭唐之昭宣宋之帝昺

九二坎有險求小得

仲康之征義和

六三來之坎坎險且枕入于坎窔勿用

昭公孱弱三家强悍來往皆險不可用也是以昭公伐季氏則公徒釋甲孟氏伐公徒則昭公遙齊

六四樽酒簋贰用缶納約自牖終无咎

觸左師以舒祺燕后爲說而太后易慮出千秋以白頭翁爲辭而武帝傾心

九五坎不盈祇既平无咎

高帝初王漢中天下未定而有可定之理光武卽位鄗南羣盜未平而有將平之勢

上六係用徽纆寘于叢棘三歲不得凶

漢獻帝受制董曹而四十年不能自振晉安帝受制桓劉而二十年不能自拔

離利貞亨畜牝牛吉

順以雖人如漢高祖輒洗兒酈生唐太宗溫顏接臣下順以雖事如諸葛之謹慎張參政之和緩

九履錯然散之无咎

姜維九伐中原雖伸征討之義未若孔明六出祁山兼有慎重之心

六二黄離元吉

所親之人如漢高之得張良光武之得鄧禹所主之事如漢高之除秦法光武之除背政  
九三日昃之離不鼓缶而歌則大耋之嗟凶

鼓缶而歌如堯老而命舜攝位舜老而命禹總師

九四突如其来如焚如死如棄如

秦繼周而王是前明既盡後明將繼也顧乃廢封建築長城焚書坑儒銷鋒鏃鍊一切以剛毅  
深刻爲治是突如其来也沙耶作禍於前望夷覆滅於後不亦宜乎

六五出涕沱若戚嗟若吉

宣帝雖賢而處霍氏失宜是中而不正也因之霍氏專權封爲右將軍復爲博陸侯凌逼宣帝  
是迫於上下之二陽也宣帝日夜憂懼卒任魏相張安世而收霍氏兵權是出涕戚嗟而吉也  
上九王用出征有嘉折首獲匪其醜无咎

曹彬降李煜一人不妄殺朱文忠伐潘原明秋毫無所犯

咸亨利貞取女吉

董公說高帝發義帝之喪而西漢興鄧禹說光武立高祖之廟而東漢興此感彼應其通易矣雖然劉穆之之於劉裕宋齊邱之於徐知誥感之不以正者豈少哉故曰利貞

初六咸其拇

六二咸其腓凶居吉

蔡邕變稱疾不就之操而卒以驚死申屠蟠守遜世无悶之志而竟以壽終

九三咸其股執其隨往吝

林父從先縠渡河卒致喪師之辱英宗從王振禦敵卒貽北狩之羞

九四貞吉悔亡憧憧往來朋從爾思

文王以文興邦而鈎援臨衝未嘗忘武功武王以武戡亂而鎬京辟雍未嘗忘文教貞吉而悔亡也漢武喜邊功而應以霍衛之屬建文尚儒雅而應以齊黃之徒憧憧而朋從也九五咸其拇无悔

山林枯槁之士巢父許由之流

上六咸其輔頰舌

利口捷辯之才犀首張儀之輩

恒亨无咎利貞利有攸往

曹參守蕭何之法所守者正也非然則惡鄉之護法霍光改武帝之政所改者正也非然則安石之新政何以利有攸往乎

初六浚恒貞凶无攸利

京房之於元帝王章之於成帝

九二悔亡

郭汾陽誤聽吳曜而殺張衡逐高郢是行事有悔也然其心一於中故後因僚佐求去而悟吳

曜之罪而逐之其悔亡矣○正以事言中以心言

九三不恒其德或承之羞貞吝

九四田无禽

宋人之守株待兔齊王之緣木求魚

六五恒其德貞婦人吉夫子凶

婦人吉如令女之終身不改共妻之矢志靡他夫子凶如馮道之守成規王珪之領聖旨

上六振恒凶

漢武帝好神仙屢征伐而海內空虛隋煬帝尚奢侈事遊幸而天下解體

遯亨小利貞

遯亨如京兆之韋著潁川之李曇小利貞如良賈之不薦武猛呂強之請赦黨人程異之自知不合衆心能廉謹謙遜爲相月餘不敢知印乘筆故終免於難

初六遯尾厲勿用有攸往

同武鮑宣之既殺而達萌挂冠浮海汪達黃翻之既罷而朱子改號遯翁

六二執之用黃牛之革莫之勝說

徐稚巾履蟠管寧皆是

九三係遯有疾厲臣妾吉

宗魯以利故不去遂爲齊豹所殺盧多遜以權位不退卒爲趙普所流宗魯事見左昭公二十一年

九四好遯君子吉小人否

梅福棄妻子遯于會稽司空圖棄官祿遯于虞鄉

九五嘉遯貞吉

范增之遊湖張良之躰穀邴漢乞骸骨莽令太后優禮而遣之

上九肥遯无不利

嘉遯如微子肥遯如伯夷嘉遯如子房肥遯如四皓

大壯利貞

呂大防之引楊畏則失之疏石介之斥夏竦則失之激寇準伐澶淵之功則自治未嚴范純仁進調停之說則處事未妥

初九壯于趾征凶有孚

京房耶也而欲去石顯李雲令也而力排宦官

九二貞吉

漢高王漢中而欲伐項羽存勦救鎮州而欲求速戰皆恃壯之失也旋從蕭何之諫納周德威之言所謂因中以求正也卒能勝項王於垓下敗梁軍於柏鄉不亦吉乎

九三小人用壯君子用罔貞厲羝羊觸藩羸其角

小人用壯如梁翼刺殺邴尊而桓帝赤其族君子用罔如望之白去石顯而元帝免其官○龍且易與韓信而灌水之禍成漢王高會彭城而睢水之難伏

九四貞吉悔亡藩決不羸壯于大與之較

吉市有嚴有虞而奏膚功皇父既敬既成而惠南國

六五喪羊于易无悔

首元帝偏安江左宋孝宗南北講和雖無恢復中原之志然如殷浩之輕襲姚襄韓侂胄之擅議北伐其悔皆亡矣

上六羝羊觸藩不能退不能遂无攸利羸則吉

田單當恢復七十餘城之後而攻狄是處壯終勤極而觸藩不退也攻狄三月而不下是不能

遂而无攸利也聽魯仲連之言而威氣衝城狄人乃下是艱則吉也

晉康侯用錫馬蕃庶舊日三接

申伯之德柔惠且直採此萬邦聞于四國安國之候也王錫申伯四牡驕驕多受大賜也申伯信遇王餽于鄒顯被親禮也

初六晉如撓如貞吉罔孚裕无咎

六二晉如愁如貞吉受茲介福于其王母

溫公居洛十五年而得君行道之志不伸是晉如愁如也然而守正不阿名重天下高太后終用之以除新法豈非受福于王母乎

六三衆允悔亡

張魏公述曲端而致富平之敗違岳少保而致鄆瓊之叛事不中正宜有悔者然志在恢復終

身不主和議是以前見重於孝宗而後見推於朱子所謂衆允悔亡者如此

九四晉如鼫鼠貞厲

石顯陰狠姦邪而元帝以爲中書令擅斥大臣而畏人議其後是不中不正竊高位而畏人者

也其祝曹操之自爲魏公劉裕之自加都督雖得其正能勿愧乎

六五悔亡失得勿恤往吉无不利

周世宗用法太嚴等亦悔之然聰察如神羣臣無不畏其明而懷其惠其悔亡矣以米貸淮南而無責償之心失得勿恤也兵討契丹而克三州之地往吉無不利也

上九晉其角維用伐邑厲吉无咎貞吝

憲宗討淮西伐邑也師老財竭三年不克厲也未幾而元濟成擒吉也討不服无咎也以極剛治小邑雖得其正然視虞舜之班師格苗文王之因壘降崇則道未光也不亦吝乎

明夷利艱貞

箕子遇紂王而佯狂蹈晦以正其志梁公遇武后而委曲艱難以濟其忠

初九明夷于飛垂其翼君子于行三日不食有攸往主人有言

大全文以商周之事概言之上爲封之暗也五爲箕子之因也四爲微子之遁也三爲湯武之

征伐也二爲文王羑里之因也初爲伯夷海濱之待溝也

六二明夷夷于左股用拯馬壯吉

羑里因而罔天獻女蠱餉禍而夏夷變形

九三明夷于南狩得其大首不可疾貞

戒陽侯有夏多罪而後著南巢之放武王俟觀政凶悛而後興牧野之師  
六四入于左腹獲明夷之心于出門庭

胡雲峰曰獲明夷之心微子之自靖也于出門庭微子之行遯也

六五箕子之明夷利貞

與彖義同

上六不明晦初登于天後入于地

夏桀商紂隋煬帝等皆是

家人利女貞

繆彤化弟婦之爭更教以睦鄰閑賴皇考之訓得全其家

初九闔有家悔亡

鮑宣之於桓少君呂正獻之於呂希哲

六二无攸遂在中饋貞吉

孟母無越境之志而閨門是修文德戒牝雞之晨而女則是作

九三家人嗃嗃悔厲吉婦子嘻嘻終吝

嗃嗃如王凝公服見子孫許衡閨門若朝廷嘻嘻如齊妃笑跛而郤克興師趙姬笑蹙而平原

散客

六四富家大吉

唐憲宗之李巽宋太宗之陳恕

九五王假有家勿恤吉

舜於英皇文於后妃

上九有孚惠如終吉

萬石君之對案不食呂正獻之嚴而有法

睽小事吉

蒙引云當以豫之利建侯行師對看人心和悅以應上故大事可爲睽雖有是三者然打頭一

睽字壞了存疑云如三國鼎分人心涣散以蜀魏之雄略而不能一天下時之不幸非才不足也

初九悔亡喪馬勿逐自復見惡人无咎

九二遇主于巷无咎

周公作鵙鴉詩以貽王而成王漸悟周公之志劉向作五行論以進帝而成帝深知劉向之忠其心皆爲國家故无咎若趙普之陳表丁謂之寄書皆私謀不足稱矣

六三見輿曳其牛掣其人天且劓无初有終

張魏公抗言時事而爲秦檜所惡何若所劾高宗所貶是輿曳牛掣而天且劓也後秦檜死陳俊卿上疏極言魏公忠盡高悟乃召還无初有終是之謂矣

九四睽孤遇元夫交孚厲无咎

紹興五年趙張並相相得甚歡遇元夫而交孚也後因呂祉離間遂致趙罷相而張亦無成功故必內杜疑惑外防讒間且危厲以處之而後可以无咎也易戒深矣

六五悔亡厥宗噬肤往何咎

昭烈敗軍於楚宜有悔者然後東連吳越西舉巴蜀稱兵北征夏侯淵授首其悔亡矣所以然者草廬一顧有以結魚水之歡隆中之對有以成偏安之業也

上九睽孤見豕負塗載鬼一車先張之弧後說之弧匪寇婚媾往遇雨則吉

漢高下蕭何獄疑受金也故王衛尉辨明而高帝之怒息文帝下周勃獄疑作反也故薄太后解釋而文帝之意回

蹇利西南不利東北利見大人貞吉

昭烈當漢末未危亂見逼於呂布曹操處塞也取巴蜀而獲偏安利西南也數困於徐州不利東北也見諸葛於隆中利見大人也存漢緒於墮後貞也

初六往蹇來譽

往蹇如李元禮范孟博來譽如徐孺子郭林宗

六二王臣蹇蹇匪躬之故

子家之於魯昭武子之於衛成

九三往蹇來反

孔子道不行而裁狂簡之士朱子道不行而教黃李之徒

六四往蹇來連

謹何追韓信而定三秦景帝用亞夫而平七國

九五大蹇朋來

光武當西漢之既亡而置腹推心從之者鄧吳馮寇之屬昭烈當東漢之既覆而執信尚義從之者諸葛關張之徒

上六往蹇蹇蹇利見大人

英布之歸漢高馬援之於光武

解利西南无所往其來復吉有攸往夙吉

光武平蜀永龐萌而罷郡國車騎材官還復民伍利西南也後命來歛平隴吳漢平蜀既平之後非警急未嘗復言軍旅有攸往夙吉也

初六无咎

與大過九二同

九二田獲三狐得黃矢貞吉

成湯伐三蘖而宅三俊漢高殲三猾而用三傑

六三負且乘致寇至貞吝

董賢爲司馬而非奪其權李輔國爲司空而盜取其首此呂強所以辭封鄭案所以致仕也  
九四解而撫朋至斯孚

薳子馮謝八人而後楚王信其忠郭汾陽逐吳曜而後僚佐安其位

六五君子維有解吉有孚于小人

文帝誅姦平而淫祀息武帝罷方士而左道除吉也若唐高知封德彝之奸而德彝密策以進  
神宗罷王安石之法而惠卿環泣於前自非斷而行之盡絕其類何以驗君子之有解哉

上六公用射隼于高墉之上獲之无不利

憲宗罷同平章事韋執誼而元和中興高后免參知政事蔡確而元祐反正

損有孚元吉无咎可貞利有攸往

禹貢之則三壤周禮之辨九等皆損而有孚者也漢武之算商告緝安石之青苗助役則厲民

病國也其可爲天下後世法乎

初九已事遄往无咎酌損之

躬之渙雖云无悔而恒之浚不免於凶故曰酌損

九二利貞征凶弗損益之

王蠋不從樂毅而後田單收恢復之功魯公不降祿山而後子儀奮再造之績

六三三人行則損一人一人行則得其友

昭烈任孔明而關張不能間苻堅任王猛而樊世不能妬兩相與則專也真宗任寇準而真於欽若孤注之言高宗任趙鼎而惑於秦檜和議之誤三則疑也

六四損其疾使過有喜无咎

沈景相河間而劉政改戲息之容宋璟陳大義而張說免黨惡之罪

六五或益之十朋之龜弗克違元吉

倪寬爲左內史而百姓大家牛車小家負擔劉平爲全椒長而百姓增資就賦減年從役

上九弗損益之无咎吉利有攸往得臣无家

春秋老人之告齊桓公南宋父老之告衡陽王皆所謂弗損益之貞吉无咎者也若晉文公分曹衛之田以畀宋漢桓帝除私鑄之禁以賑飢云惠而不費未見其貞

益利有攸往利涉大川

上句凡事皆利也下句涉行之利也益下而不中正如成王以重祭賜魯公衛侯以繁縟賜仲叔許行並耕自圭取一皆不利有攸往也

初九利用爲大作元吉无咎

大作非常之事也如霍光廢昌邑王立宣帝君豈臣所得廢所謂下不厚事也然其廢無蕭牆之變立有佐命之庸元吉故无咎也虞允文采石之戰亦然

六二或益之十朋之龜弗克違永貞吉王用享于帝吉

魏徵受絍於唐太宗曹彬受錢於宋太祖

六三益之用凶事无咎有孚惠心行告公用圭

薛惟吉居正子也惟吉無行太宗問不肖子安在益以凶事也吉遂報懼盡革故態有孚也讚書親賢中行也

六四中行告公從利用爲依遷國

告公從如裴埴請以李鎬家賜浙西百姓李絳請以錢百五十萬緡賜魏博軍士遷國如盤庚遷殷避河水太王遷岐避狄人皆以益下爲心合於中行也

九五有孚惠心勿問元吉有孚惠我德

張堪有惠政而百姓興麥穗之謠廉范有惠政而百姓作五袴之歌

上九莫益之或擊之立心勿恒凶

莫益如厲王用榮公而諸侯不享田蚡請考工而武帝不許或擊如智伯貪衆狠而趙漆其頭

楚懷貪商於而秦覆其軍

夬揚于王庭孚號有厲告自邑不利即戎利有攸往

揚于王庭若洪武之討陳有諒孚號若李愬之討吳元濟有厲若田單之攻狄告自邑不利即戎若文王之伐崇

初九壯于前趾往不勝爲咎

京房郎也而欲去石顯李雲令也而力排京官

九二惕號莫夜有戎勿恤

惕則謀深若周勃之劫酈商給呂祿號則類聚若張東之之結李多祚交楊元琰  
九三壯于頄有凶君子夬夬獨行遇雨若濡有愠无咎

王允之於董卓溫嶠之於王敦

九四晉无虞其行次且牽羊悔亡聞言不信

殷浩欲抗桓溫晉无虞也北伐無功行次且也若不與桓溫競進而安出其後豈有喪師之悔哉然當桓溫屢伐有功而欲與之抗故雖有王羲之協和之言而終不信也

九五寃陸夬夬中行无咎

代宗之誅朝恩德宗之貶盧杞

上六无號終有凶

王敦平而錢鳳滅蘇峻誅而祖約族

姤女壯勿用取女

高宗取武氏幾滅其族中宗取韋后卒殺其身

初六繫于金柅貞吉有攸往見凶羸豕孚蹢躅

繫于金柅戒小人也羸豕蹢躅君子也東漢宦官知金柅之義可免袁紹之誅唐宋君子知蹢躅之理可免清流之禍此爻當合坤之初上二爻參看

九二包有魚无咎不利賓

申屠嘉之於鄧通董允之於黃皓

九三臀无膞其行次且厲无大咎

九四包无魚起凶

夏民歸湯殷民歸武

九五以杞包瓜含章有隕自天

平勃畫密策而呂氏之柄分魏相給事中而霍氏之權失

上九姤其角吝无咎

巢父洗耳於淵莊子曳尾於塗

萃王假有廟利冕大人亨利貞用大牲吉利有攸往

見大人若王陵以兵屬漢高賓融以衆歸光武用大牲若文王驛牛一武王驛牛一利有攸往若彭濮會而書師牧野韓彭會而追羽固陵見大人若遷州陳橋之變則非正矣

初六有孚不終乃萃若號一握爲笑勿恤往无咎

隗囂遣子入侍而惑於王元之說竟違賓融之言舍光武而從公孫是有孚不終乃亂也若號呼正應則王元公孫之徒將以爲笑惟勿恤而歸漢則无咎矣惜乎其不能也

六二引吉无咎孚乃利用禴

李抱真合王武俊而大破朱滔於貝州李愬誘董重質而卒擒元濟於淮右宗澤招諭王普楊進而東京之軍威益振

六三萃如嗟如无攸利往无咎小吝

九四大吉无咎

得君如東都之迎得民如誰嗣之歌所謂大吉也不然王安石以厚斂得君公子鮑以厚施得民其爲咎不旣多乎

九五萃有位无咎匪孚元永貞悔亡

孔子爲政而躋裘謗子產爲政而執殺歌未幾詠袞衣誦誰嗣是匪孚悔亡也

上六齎咨涕洟无咎

明皇幸蜀士卒流言不遙上諭之曰朕托任非人致逆豎亂卿等跋涉從朕朕甚愧之今聽卿等還家分綵以備資糧若歸見父母爲朕致意各好自愛也因泣下衆皆哭流言始息升元亨用見大人勿恤南征吉

馬周遇唐太宗爲監察御史張齊賢遇宋太宗爲京官通判後馬周至中書令齊賢同平章

事

初六允升大吉

公叔文子升大夫僕

九二孚乃利用禼无咎

苟有明信洞溪沼沚之毛蘋蘩藻藻之菜可薦於鬼神可羞於王公

九三升虛邑

李愬之入蔡州孟珙之搗石穴

六四用亨于岐山吉无咎

舜允塞而柴望禹至誠而旅平

六五貞吉升階

君陳敬典在德升大猷

上六冥升利于不息之貞

太康畎畝洛表而十旬弗反履癸爲夜宮而三旬不朝冥升也 湯降不遯堦敬日躋登臺文

王純亦不已不息之貞也

困亨貞大人吉无咎有言不信

朱子爲韓侂胄所攻不得行道剛掩也日與諸生講學險以悅也德行文學爲世所宗剛中也草封事數萬言而卒焚之知有言不信而尙口乃窮也

初六臂困于株木入于幽谷三歲不覲

欽宗爲金兵所逼不能自拔困于株木也金兵至惑於邦彥和議之謬金兵退不悟李綱備邊之言入于幽谷三歲不覲也

九二困于酒食朱紱方來利用享祀征凶无咎

孔明有王佐才剛中也昭烈三顧茅廬上應也鞠躬盡瘁困于酒食也龍任益隆朱紱方來也伐魏卒於軍征凶也扶漢竭其忠无咎也

六三困于石據于蒺藜入于其宮不見其妻凶

晉惠帝昏庸廢駕以處多難之秋趙王倫雖討賈后而廢帝金鑄困于石也齊王冏雖討趙王而驕縱益甚據于蒺藜也嵇紹忠貞帝之正應而敗死蕩陰不見其妻也凶何如乎

九四來徐徐困于金車吝有終

王導輔成帝而成帝爲蘇峻所遷不得還宮困于金車也然王導乃心王室密諭三吳兵以討蘇峻卒能殲除以迎成帝豈非來徐徐而有終乎

九五劓刖困于赤綬乃徐有說利用祭祀

漢和之於齊憲周武之於宇文謾

上六困于葛藟于匏韙曰勤悔有悔征吉

德宗時朱泚朱滔田悅李納締結交亂以至乘輿播遷圍城坐困于葛藟于匏韙也命懼

光討朱泚而懷光叛動悔也下詔罪已赦田悅等除間架陌錢士卒感悅卒復長安有悔征吉  
也

井改邑不改井无喪无得往來井井汔至亦未繙井羸其瓶凶

周公既沒而君陳懸違成法改邑不改井也能守舊典无喪也不妄更張无得也凡嘉謨嘉猷  
俱因往制來井井也周公克慎厥始君陳克和厥中未有功而羸其瓶可无戒乎

初六井泥不食舊井无禽

九二井谷射鲋齧敝漏

井谷射鲋如孔子有德無位效僅施及門而未徧天下齧敝漏者如齊欲用而尼谿見阻魯暫  
用而婦口出走也

九三井渫不食爲我心惄可用汲王明竝受其福

溫公經濟素裕天下以爲真宰相而居洛十五年井渫不食也高后用之新元祐之政而天下  
受其賜王明竝受其福也

六四井甃无咎

溫公曰上有潔己安分優游卒歲雖不足以尊主庇民是以清操之吉士也王者宜褒優安美  
俾遂其志若孝昭之待韓福光武之遇周黨以勵廉恥美俗斯亦可矣

九五井冽寒泉食

井冽如傷之仁寒泉田功之即六州聞而慕義二老歸而懷仁爲人所食不亦宜乎

上六井收勿幕有孚惠心

魏相不習兵戎而能使趙充國壯安邊之猷懷慎坐鎮雅俗而能使姚崇展經濟之略

革己日乃孚元亨利貞悔亡

盤庚遷殷而後民志定周公東征而後羣議息己日乃孚也丕從厥志謀長者不固心于貨寶  
朕卜吉終並敵者不係情于偏安元亨利貞也悔于何有哉

初九萃用黃牛之革

光武當李通之未迎而不討王莽王導當陶侃之未至而不討郭默

六二己日乃革之征吉无咎

李德裕才略素優武宗信任是文明之主應於上也諭河北之三鎮而元達宏敬奉命討賊降

山東之三州而劉穉郭誼俯首就戮是已日革之征吉无咎者也

九三征凶貞厲革言三就有孚

征凶貞厲若鄧禹輕攻赤眉而垂翅回谿革言三就有孚異深謀設伏而奮翼灑池

九四悔亡有孚改命吉

項王弑義帝漢高定三秦革之時也愚項王以柔克項王以剛革之用也約三章法百姓歸心  
發共主喪諸侯向義有孚也改命吉也

九五大人虎變未占有孚

自新新民之極如帝堯克明峻德而於變時雍文王敬止緝熙而化行南國順天應人之時如  
南巢放而百姓允殖牧野矢而會朝清明

上六君子豹變小人革面征凶居貞吉

征凶如周宣武功是尚而敗于敵漢高好戰不止而困白登居貞如光武既定天下而止臧宮  
願擊單于之請德宗既平河中而從宣公罷討淮西之言

鼎元亨

允恭克讓異也欽明文思聰明也藩侯嗣統柔進而上行也賓門納麓得中而應剛也地平天成府修事和是以元亨也

初六鼎颠趾利出否得妾以其子无咎

因敗成功曹沫得志三敗之後孟明勝敵既因之餘因賤致貴韓信舉於行陣陳平拔於亡命九二鼎有實我仇有疾不我能即吉

蔣幹欲說周瑜而不能盡其辭王敦欲誘郗鑒而不能屈其志

九三鼎耳革其行塞雉膏不食方雨虧悔終吉

陳蕃不聽馬援而光武終任之以平難桓溫不用王猛而苻堅終依之以成功

九四鼎折足覆公餗其形渥凶

房琯任李愬劉秩而敗績張任誠用黃蘗葉陳而乾癟韓侂胄委李爽皇甫斌而蹙國殷浩用謝尚荀羨而覆軍車

六五鼎黃耳金鉉利貞

昭烈拒關張之間而後孔明得行其志苻堅斬樊世之姪而後王猛得成其功也

上九鼎玉鉉大吉无不利

曹參武勇而守蕭何畫一之法則西漢以寧光武果剛而從鄭興柔克之言則東漢以治

震亨震來虩虩笑言啞啞震驚百里不喪七鬯

宗澤守東京聞金將入寇乃約諸將共議城中置使領兵城外立堅壁沿河爲連珠砦震來虩  
虩也及兀朮入寇都人震恐宗公圍棋談笑自若果敗金兵笑言啞啞不喪七鬯也

初九震來虩虩後笑言啞啞吉與彖義同

六二震來虩虩貞吉躋于九陵勿逐七日得

六三震蘇蘇震行无眚

金兵渡河議幸襄鄧而介猝變色震蘇蘇也若因而恐懼修省堅忍持重以守城之任委李綱  
以勤王之師隸种師道金兵可計日而破何貴之有惜乎其惑於李邦彥也

九四震遂泥

肅宗君也而因循懦弱是以剛居柔也外受制於李輔國內受制於張良輔陷於二陰之間也不  
朝上皇而子道益衰政事掣肘而君德日替其遂泥不亦甚乎

六五震往來厲億无喪有事

仲康肇位而當有窮憊亂之時先時不危也然杜羿之覬覦而保祿位无喪也姐羿之黨羽而征義和有事也由於即位之初即命亂侯掌六師以收兵權其事在中也

上六震索索視矍矍征凶震不于其躬于其鄰无咎婚媾有言

隋兵入來巢門陳後主惶遽投井震索索視矍矍也若當初立之時宇文方滅早自恐懼修省聽傅縡章華之諫除施文慶沈客卿之奸愛民勤政庶可自保何咎之有

艮其背不獲其身行其庭不見其人无咎

顏常山知有節而不顧死生郭汾陽知有忠而不計榮辱不獲其身也董宣知殺犯法之人而不知公主蒼頭柳公綽知杖無禮之人而不知神策將軍不見其人也

初六艮其趾无咎利永貞

蔡邕不能堅稱疾之心种放不能守終南之遙故戒以利永貞

六二艮其腓不拯其隨其心不快

子魚不欲戰楚兵而不能止襄公之必戰子家不欲伐季氏而不能止昭公之必伐

九三艮其限列其夤厲心

襄公堅欲圖霸故違子魚而貽傷股之憾昭公固信讒言故違子家而致逼齊之辱秦二世高枕肆志故下情壅而來劉項之兵唐明皇高居自逸故言路塞而啟安史之亂

六四艮其身无咎

崔與之辭參知政事復辭右丞相知時事不可爲而且年暮旣高蒙古方熾又非衰老所能爲未幾奉祀不二年卒所見豈不得中哉

六五艮其輔言有序悔亡

孔子稱閔子騫孫權稱顧雍

上九敦艮吉

衛武好學耄而不倦宋璟剛直老而彌篤中廢蟠隱於梁磽不應董卓之聘管幼安客於遼東屢辭曹操之徵敦艮吉也

漸女歸吉利貞

初六鴻漸于干小子厲有言无咎

賈誼始進綠灌之徒譖於帝曰洛陽少年專事紛更言也然痛哭流涕切中時弊亦可咎乎

六二鴻漸于磐飲食衎衎吉

吉甫燕喜而無贍臉鮮以陳韓侯朝覲而清酒筭蒲以餞

九三鴻漸于陸夫征不復婦孕不育凶利禦寇

六四鴻漸于木或得其桷无咎

董仲舒之於膠西王張綱之於張嬰富弼之使契丹割大夏之理北邊

九五鴻漸于陵婦三歲不孕終莫之濟吉

周公以流言之謗避東成王終迎之以定周室汾陽以元振之謐解任代宗大用之以復長安  
上九鴻漸于逵其羽可用爲儀吉

伯夷居海濱清風興於百世康節隠洛陽道範仰自華賢

歸妹征凶无攸利

賈后之於惠帝武后之於高宗

初九歸妹以娣跛能履征吉

漢成帝之班姬唐太宗之徐妃

九三眇能視利幽人之貞

我思古人俾無訛兮眇能視也考槃在淵碩人之寃幽人之貞也

六三歸妹以須反歸以娣

九四歸妹愆期遲歸有時

費賈不仕公孫述而光武以爲合浦太守尹和靖不仕劉豫而高宗以爲崇政說書

六五帝乙歸妹其君之袂不如其娣之袂良月幾望吉

上六女承筐无實士刲羊无血无攸利

殷浩無才當廢黜後不復擢用陰柔居歸妹之終也无應矣桓溫欲以爲尚書令浩答書恐悞  
開閉十數竟答空函筐无實也溫怒而絕羊无血也

豐亨王假之勿憂宜日中

與秦九三同

初九遇其配主雖旬无咎往有尚

元齡善謀如晦善斷而貞觀之治隆姚崇尚通宋璟尚法而開元之治隆往有尙也劉文靜與裴寂不相能而文靜見殺寇準與張遜不相協而二人左遷過旬災也

六二豐其蔀日中見斗往得疑疾有孚惠心吉

郭汾陽之忠義代宗不知自河東入朝程元振數譖於上是豐蔀見斗往得疑疾也吐蕃入寇代宗出走汾陽一聞君命蹈險履危及吐蕃遁代宗還始悔用卿不早非信以發志乎九三豐其沛日中見沫折其右肱无咎

明道遇神宗而罷御史裏行之職考亭遇寧宗而散秘閣修撰之官

九四豐其蔀日中見斗遇其丈主吉

惠帝駕駛而賈模張華同心輔政武帝荒淫而謝安桓沖夙夜在公

六五來章有慶譽吉

元帝能用蕭何之等豈非漢之令主高帝能用褚遂良等豈非唐之賢君

上六豐其屋蔀其家闔其戶聞其無人三歲不覩凶

秦皇恃強而復故有十失而不知項王恃勝而驕故有十罪而不覺

旅小亨旅貞吉

初六旅瑣瑣斯其所收災

桓公柔懦而禍深拉幹昭公暗弱而辱在乾侯

六二旅即次懷其賚得童僕貞

九三旅焚其次喪其童僕貞厲

九四旅于處得其賚斧我心不快

六五射雉一矢亡終以譽命

馬周客遊長安舍於中郎將常何之家代陳便宜二十餘條太宗知之召周語甚悅令直門下省尋除監察御史

上九鳥焚其巢旅人先笑後號咷喪牛于易凶

楚建謀襲鄭而爲鄭所誅中舟不假道而爲宋所殺

巽小亨利有攸往利見大人

肅宗徵鄆侯克復西京亨也利攸往見大人也然非可大有爲僅能用鄆侯以定禍亂不能用

鞠侯以致太平故以其陰爲主曰小亨以其從陽曰利有攸往

初六進退利武人之貞

董安于之佩絳李方子之名齋

九二巽在牀下用史巫紛若吉无咎

武則天欲立其姪狄梁公委曲巽順婉辭幾諫巽在牀下用史巫也進禡姑之說而立武之議  
息解折翼之夢而中宗之迎次所謂吉也

九三頻巽吝

丁南湖曰明帝親袒割牲則養老之過恭而抵毀提曳則待臣之過刻諸儒共講則禮度之太  
寬而自起撞郎則聲靈之太躁大抵恭寬者矯情刻躁者故態也

六四悔亡田獲三品

鄭弱無援間於晉楚宜有悔也而子產行己以恭友鄰以禮不惟可悔亡而且致田獲如壞館  
垣而厚其宴好對實沈而遺之重賂是也

九五貞吉悔亡先不利无初有終先庚三日後庚三日吉先庚如怨艾而悔過於居廟之時後庚

如拜稽而圖難於歸毫之後

上九巽在牀下喪其資斧貞凶

胡致堂曰魏元忠慷慨論事屢瀕危殆卒爲主思所陷容忍附坐視五王滅更政事素亂不敢一言卒亦不免慙罵得剛之謂乎

兌亨利貞

張猛以上聖臣直諫元帝而廣德之說行文德以君明臣直悅太宗而魏徵之納免辛也然韓以封禪請憲以天書上皆盛德之累妄說之戒也

初九和兌吉

薛方謝新莽曰堯舜在上下有巢由今明主方隆堯舜之德小臣欲守箕山之節非悅不強致之

九二孚兌吉悔亡

德宗可袁高奏以虛地杞爲澧州別駕因語李泌泌曰外人比陛下於桓溫今承德音乃堯舜之不讓也上悅語雖不免妄悅之悔然誠心將順其美故曰孚兌吉悔亡

六三來兌內

九四商兌未甯介疾有喜

張說不黨昌宗故免奸邪之目灌堯不附呂產故昭輔漢之功

九五孚于剝有厲

明皇知李林甫之奸而猶用之一恃自己聰明一恃海內太平謂必不能爲害也不知但恃聰明則已昏但恃太平則已危

上六引兌

字文士及之於唐太宗李吉甫之於唐憲宗

渙亨王假有廟利涉大川利貞

光武定都洛陽據可爲之地剛來而不窮也小敵怯大敵勇其能爲之才柔得位乎外也鄧馮吳寇協力者衆上同也宜其亨也

初六用拯馬壯吉

陳平交周勃而諸呂之亂靖景帝用亞夫而七國之難平

九二渙奔其機悔亡

少康逃虞太王遷岐宣王匿於召公而脫難法章備於太史微而保身

六三渙其躬无悔

趙普保位而有仁人之功呂夷簡報怨而有安邊之略

六四渙其羣元吉渙有丘匪夷所思

狄梁公不私桃李渙其羣也所薦張柬之桓彥範等同心協力渙有丘也卒除武氏而立中宗  
渙之光大也

九五渙汗其大號渙王居无咎

漢高約法三章唐高約法十二條渙大號也周武賚鹿臺之財發鉅橋之粟渙王居也  
上九渙其血去逖出无咎

吉甫伐玁狁召虎平江漢

節亨苦節不可貞

觀九五而知節之亨觀上六而知苦節不可貞

初九不出戶庭无咎

劉勝之閉門埽軒袁閭之土室終身漢高王關中而不擊項羽文帝初卽位而不伐韓王九二不出門庭凶

曹鑿昭烈而袁紹違用豐乘隙之言曹伐烏桓而劉表違昭烈襲許之計

六三不節若則嗟若无咎

漢武帝窮奢耗財國武子盡言招禍

六四安節亨

茅茨土階而禹承以克勤儉恭讓光被而禹承以不矜伐

九五甘節吉往有尚

成湯貶三風之戒周公立九式之條

上六苦節貞凶悔亡

公孫宏布被雖來汲黯之譏而亦可無暴殄之累周黨守志雖致范升之毀而亦可免貪位之

中孚豚魚吉利涉大川利貞

董生孝慈而啄雞來哺陳氏共席而百犬同牢信及豚魚也李晟矢忠而克朱泚之衆吳玠歛血而破兀朮之師利涉大川也若襄公之不重傷白公之好復言非貞矣何利哉

初九虞吉有他不燕

李晟既平朱泚而德宗忌其功克用請討茂貞而昭宗畏其偏

九二鳴鶴在陰其子和之我有好爵吾與爾靡之

伊尹自樂躬耕而成湯三聘莘野諸葛不求聞達而昭烈三顧茅廬

六三得敵或鼓或罷或泣或歌

六四月幾望馬匹亡无咎

狄梁公爲司空不私桃李裴垍爲宰相不私友朋

九五有孚惠心如无咎

漢光武之於馮異宋太宗之於楊業

上九翰音登于天貞凶

宋襄之仁尾生之信

小過亨利直可小事不可大事飛鳥道之晉不宜上宜下大吉

初六飛鳥以凶

李義府恃寵貪婪而高宗貶官王毛仲恃寵驕恣而明皇賜死

六二過其祖遇其妣不及其君遇其臣无咎

衛青百萬兵符而奉法循職不擅擅殺之權張安世父子封侯而謹慎周詳不收薦賢之譽

九三弗過防之從或戕之凶

費禕爲郭循所刺五王爲三思所殺王允爲李郭所害劉瞻爲劉鄩所鳩

九四无咎弗過遇之往厲必戒勿用永貞

漢高王關中雖不伐項籍未嘗終於偏安唐憲初卽位雖不討劉闥初非狃於姑息

六五密雲不雨自我西郊公弋取彼在穴

殷浩用謝尚荀羨而違王羲之協和之言似道任虎臣夏貴而違汪立信守江之計

上六弗遇過之飛鳥離之凶是謂災眚

孫皓驕縱不悛而青蓋入於洛邑楊廣荒淫無度而頭顱折於宇文  
既濟亨小利貞初吉終亂

數處其極理無可加持盈保泰勿失故步故曰小亨若高宗惑於武后而永徵之治不格明皇  
溺於貴妃而開元之美不繼終止則亂理固然也

初九曳其輪濡其尾无咎

漢光武不忘河北之難而建武之治成唐太宗克塵喜懼之心而貞觀之勢固

六二婦喪其茀勿逐七日得

安史平而郭公解任澶淵盟而寇公罷相婦喪茀也期年而郭公復爲副元帥九年而寇公入  
爲樞密使七日得復也

九三高宗伐鬼方三年克之小人勿用

殷高宗之伐荆楚唐憲宗之平淮西

六四繙有孚惠心勿

六服承德而成王有制治保邦之恩四方無虞而康王屬中書慎固之志

九五東都殺牛不如西鄰之輪祭實受其福

上六濡其首厲

丁酉朔日晉武平吳而納吳亡人荒淫莫甚是以崇其淫者九年而崩延其國者一傳而壞晉赫赫以滅吳而吳冥冥以滅晉造化報施之巧非智士所能窺也

未濟亨小狐汔濟濡其尾无攸利

微欽北狩高宗南渡未濟時也然而剝復相循亂極當治豈無可亨之理顧力行何如耳劉將軍順昌奏捷岳武穆朱仙克敵將濟機也奈何誤主利譖前功盡棄何所利哉

初六濡其尾吝

息侯不度德不量力而伐人故爲鄭所敗宋襄不揣時不審勢而圖霸故爲楚所陵

九二曳其輪貞吉

石守信之解兵權王彥超之罷節鎮

六三未濟征凶利涉大川

九四貞吉悔亡震用仙鬼方三年有賞于大國

太甲居桐宮三年終尤德

六五貞吉无悔君子之光有孚吉

成王聞流言而疑周公未免有悔感風雷而迎周公貞吉无悔也如觀文王之耿光揚武王之大烈君子之光也念祖而修厥德紛熙而單厥心有孚也

上九有孚于飲酒无咎濡其首有孚惠是

上句若萊公飲博懷呼而奪契丹之氣下句若高帝置酒高會而致彭城之圍